

BOSNA I HERCEGOVINA

FEDERACIJA BOSNE I HERCEGOVINE

FEDERALNI ZAVOD ZA ZAPOSŁIIVANJE
SARAJEVO



BOSNIA AND HERZEGOVINA

FEDERATION OF BOSNIA AND HERZEGOVINA

FEDERAL EMPLOYMENT INSTITUTE

SARAJEVO

PROGRAM

**PO UREDBI O MJERAMA FINANSIJSKE POMOĆI
NISKOAKUMULATIVNIM DJELATNOSTIMA U FEDERACIJI
BOSNE I HERCEGOVINE U CILJU ODRŽAVANJA POSTOJEĆIH
RADNIH MJESTA ZA 2025. GODINU**

Sarajevo, februar / veljača 2025. godine

S A D R Ž A J

1.	OSNOV ZA DONOŠENJE, IZVOR FINANSIRANJA I NOSIOCI REALIZACIJE PROGRAMA.....	3
2.	CILJ PROGRAMA.....	3
3.	KORISNICI PROGRAMA	3
4.	NAMJENA FINANSIJSKE POMOĆI	3
5.	DODJELA SREDSTAVA.....	4
6.	USLOVI ZA DODJELU FINANSIJSKE POMOĆI	4
7.	KO NE MOŽE UČESTVOVATI U PROGRAMU	4
8.	MAKSIMALNO DOZVOLJENI IZNOS POMOĆI.....	5
9.	NAČIN DODJELE FINANSIJSKE POMOĆI POSLODAVCIMA	5
10.	KOEFICIJENTI ZA OBRAČUN FINANSIJSKE POMOĆI	5
11.	MEHANIZAM ZA DODJELU FINANSIJSKE POMOĆI	6
12.	TRANSFER SREDSTAVA FINANSIJSKE POMOĆI.....	6
13.	ANALIZA EFEKATA I IZVJEŠTAVANJE	6
	A) ANALIZA EFEKATA.....	6
	B) IZVJEŠTAVANJE.....	6

1. OSNOV ZA DONOŠENJE, IZVOR FINANSIRANJA I NOSIOCI REALIZACIJE PROGRAMA

U skladu sa Uredbom o mjerama finansijske pomoći niskoakumulativnim djelatnostima u Federaciji BiH u cilju održavanja postojećih radnih mjesta za 2025. godinu („Službene novine Federacije BiH“, broj: 12/25) i članom 21. Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), sačinjen je Program po Uredbi o mjerama finansijske pomoći niskoakumulativnim djelatnostima u Federaciji BiH u cilju održavanja postojećih radnih mjesta za 2025. godinu (u daljem tekstu: Program).

Federalni zavod za zapošljavanje (u daljem tekstu: Zavod) realizira Program u saradnji sa Vladom Federacije BiH i Poreznom upravom Federacije BiH.

Za realizaciju Programa predviđena su sredstva u iznosu od 15.000.000,00 KM, u skladu sa Finansijskim planom za 2025.godinu.

Upravni odbor Federalnog zavoda za zapošljavanje će u toku realizacije, u opravdanim situacijama odlučivati o eventualnim promjenama iz ovog Programa.

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. CILJ PROGRAMA

Cilj Programa je održivost korisnika finansijske pomoći, očuvanje postojećih radnih mjesta i osiguranje podrške likvidnosti za predmetni period, u skladu sa Uredbom o mjerama finansijske pomoći niskoakumulativnim djelatnostima u Federaciji BiH u cilju održavanja postojećih radnih mjesta za 2025. godinu.(u daljem tekstu :Uredba)

3. KORISNICI PROGRAMA

Korisnici Programa su privatni poslodavci koji obavljaju djelatnost u tekstilnoj, kožnoj i industriji obuće i niskoakumulativnim djelatnostima tradicionalnih, starih zanata, izuzimajući rudnike uglja, djelatnostima koji na osnovu člana 6. tačka 10. Zakona o doprinosima Federacije BiH imaju povlaštenu stopu doprinosa, odnosno poslodavci koji imaju dodijeljen ID broj i organizirani su u skladu sa Zakonom o privrednim društvima i Zakonom o obrtu i srodnim djelatnostima u Federaciji BiH.

Korisnici Programa su pravna i fizička lica koja su registrirana u skladu sa Zakonom o privrednim društvima i Zakonom o obrtu i srodnim djelatnostima u Federaciji BiH.

4. NAMJENA FINANSIJSKE POMOĆI

Sredstva finansijske pomoći namijenjena su održavanju postojećih radnih mjesta za 2025. godinu za zaposlene radnike kod korisnika koji ispunjavaju uvjete iz točke 6. Programa, za predmetni period.

Sredstva finansijske pomoći koristit će se za refundaciju isplaćenog dijela plate za broj radnika koji je korisnik imao zaključno sa 30.11.2024. godine, a koji su imali neto platu manju od 800,00 KM i koji imaju kontinuitet u prijavi osiguranja radnika tokom 2025. godine.

5. DODJELA SREDSTAVA

Financijska pomoć dodjeljuje se korisnicima i isplaćuje se mjesečno, odnosno, najkasnije 45 dana od završetka tekućeg mjeseca 2025. godine.

Korisnici financijske pomoći će koristiti sredstva kao refundaciju već isplaćenog dijela plate za predmetni period, a rezultati, odnosno, efekti financijske pomoći korisnicima će biti prezentirani u sklopu konačnog izvještaja o dodijeljenoj financijskoj pomoći sa analizom efekata.

6. USLOVI ZA DODJELU FINANSIJSKE POMOĆI

Financijska pomoć koja se dodjeljuje korisnicima, na osnovu podataka dobivenih od Porezne uprave Federacije BiH, a koji kumulativno ispunjavaju sljedeće uvjete:

- a) imaju sjedište na teritoriji Federacije BiH;
- b) imaju najmanje jednog (1) zaposlenog radnika na dan 30.11.2024. godine koji je imao neto platu manju od 800,00 KM i najmanje jednog (1) zaposlenog radnika na kraju tekućeg mjeseca 2025. godine;
- c) imaju ostvarenu neto dobit od poslovanja (privredna društva) odnosno dohodak od samostalne djelatnosti (obrti) u posljednjem financijskom izvještaju manju od 6.500,00 KM po zaposlenom radniku (prosječan broj radnika u 2024. godini);
- d) nemaju neizmirenih obaveza po osnovu doprinosa i poreza, zaključno sa krajem prethodnog mjeseca u odnosu na mjesec 2025. godine za koji se isplaćuje plata;
- e) čiji su transakcijski računi aktivni;
- f) koji su očuvali postojeća radna mjesta.

Pod ovim pojmom se misli na one koji na kraju tekućeg mjeseca u 2025. godini imaju isti ili veći broj zaposlenih radnika od broja zaposlenih radnika na dan 30.11.2024. godine. Pravo na refundaciju omogućeno je i korisnicima koji imaju eventualno umanjeno broja radnika do 10% u odnosu na broj radnika na dan 30.11.2024. godine.

U ovom slučaju će se sredstva koristiti za namjenu kao što je opisan u tački 4. Programa umanjeno za eventualni smanjeni broj radnika za tekući mjesec. Eventualni smanjeni broj radnika će biti smješten u platni razred opisan u tački 10. Programa u kojem poslodavac ima najviše radnika. U slučaju istog broja radnika u platnim razredima opisanim u tački 10. ovog Programa refundacija će se obračunati prema platnom razredu koji je povoljniji za korisnike financijske pomoći.

U slučaju da je potencijalni korisnik smanjio broj radnika za više od odobrenog postotka na kraju tekućeg mjeseca u 2025. godini, nema pravo na refundaciju za taj mjesec, ali je omogućeno ostvarivanje prava na refundaciju za sljedeći mjesec ukoliko ispuni uvjet koji se odnosi na očuvanje postojećih radnih mjesta.

7. KO NE MOŽE UČESTVOVATI U PROGRAMU

U Programu ne mogu učestvovati Poslodavci:

- a) koji nemaju najmanje jednog (1) zaposlenog radnika na dan 30.11.2024. godine koji je imao neto platu manju od 800,00 KM i najmanje jednog (1) zaposlenog radnika na kraju tekućeg mjeseca 2025. godine;
- b) koji imaju ostvarenu neto dobit od poslovanja (privredna društva) odnosno dohodak od samostalne djelatnosti (obrti) u posljednjem financijskom izvještaju veću od 6.500,00 KM po zaposlenom radniku (prosječan broj radnika u 2024. godini);

- c) koji imaju dospjele, a neizmirene obaveze po osnovu doprinosa i poreza, zaključno sa krajem prethodnog mjeseca u odnosu na mjesec 2025. godine za koji se isplaćuje plata;
- d) čiji transakcijski računi nisu aktivni;
- e) koji nisu očuvali radna mjesta kako je to propisano u tački 6. Programa, a odnosi se na očuvanje radnih mjesta i mogućnost smanjenja broja radnika;
- f) kojima je u inspekcijskom nadzoru izvršenom od strane Porezne uprave Federacije BiH od dana stupanja na snagu Uredbe u 2025. godini utvrđeno da ne posluju u skladu sa zakonskim propisima Porezne uprave Federacije BiH;

8. MAKSIMALNO DOZVOLJENI IZNOS POMOĆI

Ukupan iznos finansijske pomoći po jednom korisniku iznosi maksimalno 250.000,00 KM (dvije stotine pedeset hiljada KM).

U slučaju da zbog velikog broja potencijalnih korisnika finansijske pomoći, ukupna finansijska sredstva, osigurana Finansijskim planom Federalnog zavoda za zapošljavanje za 2025. godinu za provedbu ovog Programa ne budu dostatna, proporcionalno će se umanjiti sredstva svim potencijalnim korisnicima finansijske pomoći.

9. NAČIN DODJELE FINANSIJSKE POMOĆI POSLODAVCIMA

Zavod će od Porezne uprave Federacije BiH, a u skladu sa odredbama Uredbe i Programa zahtijevati popis korisnika, sa brojem zaposlenih radnika i iznosima neto plate za novembar 2024. godine.

Zavod će se obratiti zahtjevom prema Poreznoj upravi Federacije BiH da iz službenih evidencija obezbijedi podatke o broju zaposlenih i iznosima neto plate potencijalnih korisnika finansijske pomoći, po okončanju tekućeg mjeseca 2025. godine, broj i status transakcijskih računa i druge relevantne podatke potencijalnih korisnika finansijske pomoći.

Svi korisnici koji ispune prethodno definirane uvjete naći će se na Konačnoj listi korisnika finansijske pomoći.

Zavod će na svom web portalu www.fzzz.ba objaviti Konačnu listu korisnika finansijske pomoći po okončanju obrade podataka za tekući mjesec u 2025. godini, uz mogućnost ulaganja prigovora.

Korisnici mogu uložiti prigovor Zavodu u roku od 8 dana od dana objave Konačne liste korisnika za tekući mjesec. Prigovor ne odlaže izvršenje Odluke.

Korisnici kojima bude usvojen prigovor će se naći na Konačnoj listi korisnika finansijske pomoći u narednom mjesecu, uz napomenu da je prigovor usvojen za predmetni mjesec prigovora.

Korisnici koji ne žele da prime finansijsku pomoć u skladu sa odredbama Uredbe i Programa, imaju mogućnost da pismeno obavijeste Zavod u roku od 8 dana o istom.

10. KOEFICIJENTI ZA OBRAČUN FINANSIJSKE POMOĆI

Visina iznosa koji se dodjeljuje na ime finansijske pomoći, izračunava se množenjem jedinične vrijednosti koeficijenta sa brojem zaposlenih radnika kako slijedi:

- koeficijent 1 u iznosu od 100,00 KM - za sve zaposlene radnike kod korisnika iz tačke 3. Programa kojima je isplaćivana neto plata od 700,01 do 800,00 KM na dan 30.11.2024. godini;
- koeficijent 2 u iznosu od 200,00 KM – za sve zaposlene radnike kod korisnika iz tačke 3. Programa i ta kojima je isplaćivana neto plata do 700,00 KM na dan 30.11.2024. godini.

11. MEHANIZAM ZA DODJELU FINANSIJSKE POMOĆI

Zavod priprema prijedlog Odluke o utvrđivanju konačnih lista korisnika finansijske pomoći na mjesečnom nivou i dostavlja Vladi Federacije BiH na usvajanje.

Konačne liste korisnika finansijske pomoći minimalno sadrže: naziv i sjedište korisnika finansijske pomoći, broj zaposlenih za navedeni mjesec u 2025. godini podijeljenih u kategorije zaposlenih definiranim u tački 10 Programa i iznos dodijeljenih sredstava na ime finansijske pomoći.

Konačne liste se objavljuju na internet stranicama Vlade Federacije BiH i Zavoda.

Financijska pomoć isplaćuje se mjesečno, odnosno, najkasnije 45 dana od završetka tekućeg mjeseca 2025. godine.

12. TRANSFER SREDSTAVA FINANSIJSKE POMOĆI

Transfer sredstava finansijske pomoći će vršiti Zavod putem Union banke, a nakon donošenja odluke Vlade Federacije BiH o utvrđivanju konačnih lista korisnika finansijske pomoći na mjesečnom nivou.

13. ANALIZA EFEKATA I IZVJEŠTAVANJE

a) Analiza efekata

Zavod će na osnovu pribavljenih podataka iz službenih evidencija Porezne uprave Federacije BiH izvršiti analizu efekata na način da će se izvršiti uspoređivanje broja zaposlenih kod korisnika sredstava referirajući se na svrhu dodjele finansijske pomoći korisnicima, a to je održivost korisnika finansijske pomoći, očuvanje radnih mjesta i osiguranje podrške likvidnosti za 2025. godinu.

Nadzor je sadržan u činjenici da će sredstva biti isplaćena isključivo korisnicima koji budu ispunili uvjete iz Uredbe i Programa.

b) Izvještavanje

Zavod će dostaviti Vladi Federacije BiH do 30.04.2026. godine konačni izvještaj o dodijeljenoj finansijskoj pomoći sa analizom efekata iste.